

太平寰宇記

第二十冊

太平軍字記

卷二十一

太平寰宇記卷之七十六

劍南西道五

簡州

資州

懷安軍

簡州

簡州

陽安郡今理陽安縣

禹貢梁州之域漢犍爲郡之牛鞞縣

地屬益州華陽國志牛鞞縣有陽明井今郡北十

里陽明井是也後魏恭帝二年於此置資州周明

帝武成二年移資州于漢資中城今州南一百三

里資州資陽縣是也隋仁壽三年以此一方地土

曠遠時多寇盜須以郡府理之乃分益州之陽安

太平寰宇記 卷之七十六
平泉二縣資州之資陽一縣於此置簡州取界內
賴簡池爲名故九州要記云簡州在赤水之地至
大業初廢州併其地入蜀郡唐武德三年分益州
置簡州天寶元年改爲陽安郡乾元元年復爲簡
州

元領縣三

今二

陽安 平泉

一縣割出

金水

建懷
安軍

州境

東西一百八十二里 南北一百三里

四至八到

東北至東京三千四百四十里

東北至西京三千二十里

東北至長安二千一百七十里

東至普州一百八十里

南至資州二百二十里

西至成都府七十里

北至梓州一百五十里

東南至資州一百五十五里

太平寰宇記 卷之十一
西南至陵州一百八十里

西北至成都府一百五十里

東北至梓州三百一十里

東北至普州二百四十里

戶

唐開元戶二萬三千六十

皇朝戶主一萬四百五十九客六千一十

風俗

有獯

音穰

人言語與夏不同嫁娶但鼓笛而已遭喪

乃以竿懸布置其門庭殯于別所至其體骸燥以

木函盛置于山穴中李膺記云此四郡獾也又有夷人與獾類一同又有獠人與獾夷一同但名字有異而已

人物

段翳

字元章廣漢新都人治易明風角有來學者

萌者

土產

紬 綿 茶

陽安縣

元二十鄉

本漢牛鞞縣地

鞞必邇切

屬犍爲郡後魏

于此立郡改牛鞞爲陽安以界內山名也 銅官

山益州記云任城縣西南六十里有銅官山卽漢文帝賜鄧通鑄錢之所連亙入縣界絳水在州南色赤如絳故九州要記云簡州在赤水之北是也棲賢觀昔仙人李八百所隱之處今爲觀

石乳城水在縣北二十一里玉女靈山東北有泉西北兩岸各有懸崖腹有石乳房一十七眼狀如人乳流下土人呼爲玉華池每三月上巳日有乞子者漉得石卽是男瓦卽是女自古有驗分棟山在縣西七十里益州記云蜀人謂嶺爲棟中江源從漢州雒縣瀾濠毗橋等三處流入金水縣

合爲一江東南入縣界又東南入資州資陽縣界

平泉縣

南四十八里六鄉

漢牛鞞縣地後魏置婆潤縣隋移

縣治於賴黎池仍爲平泉縣以縣傍地湧泉故也

石城山在縣西北五十里山形如城北連分棟

山南接聖德山入陵州貴平縣界鳳翅山在縣

北一里山形如鳳翅石岡溪在縣北三十八里

平泉縣界分棟山在兩岸枕石帶岡以爲名

資州

資州

資陽郡今理盤石縣

禹貢梁州之域秦爲蜀郡漢犍爲郡

之資中縣地歷後漢晉宋齊或爲資陽縣戍而無

州郡所理自西魏尅其地始于此置資州因資川
水以名之理今簡州陽安縣界故資陽城是後周
明帝武成二年自陽安徙州於漢資中故城置資
中郡隋初郡廢其地併於簡州煬帝又置資陽郡
唐武德元年改爲資州領縣九盤石內江安岳普
慈安居隆康資陽大牢威遠其年割大牢威遠屬
榮州二年分安居隆康普慈安岳四縣屬普州貞
觀四年置丹山縣天寶元年改爲資陽郡乾元元
年復爲資州二年正月分置昌州尋廢

元領縣八

今四

盤石 資陽 內江 龍水

四縣廢

銀山 月山

丹山

三縣併入盤石

清溪

併入內江

州境

東西三百四十里

南北一百二十四里

四至八到

東北至東京三千六百九十里

東北至西京三千二百九里

東北至長安二千四百一十一里

東至合州六百五十六里

南至榮州一百六十九里

西至陵州二百三十五里

北至普州三百七十里

東南至榮州一百五十里

西南至陵州二百六十里

西北至簡州二百二十里

東北至普州三百三十八里

戶

唐開元戶二萬九千六百

皇朝管戶主客二萬八百二十九

風俗同簡州

人物

王褒

資中人官諫議大夫

董鈞

字文伯五官中郎將

王延世

資中人治

河有功爲光祿大夫

土產

麩金 高良薑 甘蔗

盤石縣

元入鄉

本漢資中縣地後周保定五年於漢資

中縣故城置盤石縣屬資中郡兼移郡就此理皇

朝初下西蜀併月山丹山銀山三縣入焉 中江

水自漢州金堂峽穿過懷安軍經簡州至當縣又

出界至瀘州江口合大江下江陵 石人山在縣
南十五里隔中江高八丈 鐵山在縣南五十里
按地理志云其山出鐵在榮州威遠縣界 盤石
山在縣西北 大濛溪在縣西二十里溪內有石
龍三條若遇旱祈卽雨 廢銀山縣在州東南三
十八里皇朝乾德五年勅併入盤石縣 廢丹山
縣在州西五十里本漢資中縣地隋義寧二年置
屬資陽郡皇朝乾德五年勅併入盤石縣 鶴鳴
山在縣南五百步古老傳云張道陵乘白鶴飛鳴
此山 蘭山在縣東十五里高三里上有八面懸

崖壁聳 丹神山在縣西北五里如值天旱祈告

卽雨

資陽縣

西北一百二十里二十鄉

本漢資中縣屬犍爲郡後周明

帝武成二年於資中故城置資陽縣以資水爲名
隋開皇七年自此移州于盤石縣資陽仍屬焉

萇弘祠弘無辜受戮死而血碧故後人立祠以祀
之 環溪百丈池按郡國志云資陽縣有環溪百
丈池卽謂溪流如環池深百丈也 獨秀山在縣
西南三里迥然獨秀 資溪水在縣西從簡州平
泉縣界流入當縣合中江 王褒墓在縣北二十

太平寰宇記 卷之七十六
里前有石碣高一丈字已磨滅有宅滌硯池水見
在

內江縣

東南九十
里元八鄉

本漢資中縣地周武天和二年於

中江水濱置漢安戍其年改爲中江縣因其北江
乃以中江爲名隋避諱改爲內江開皇二年徙內
江于漢安故城卽今縣也皇朝併清溪縣入資
江按郡國志云內江縣有水深百丈實羣川總會
之所石城山在縣西南五十里形似城中江
水經盤石縣自十字石流入縣界廢清溪縣在
州東北一百三十里皇朝乾德五年併入內江縣

龍水縣

西一百四十里五鄉

本漢資中縣地隋義寧二年置

龍水縣在龍龜溪之左卽資陽之西界縣西北有溪水屈曲盤擁其狀如龍因爲名依龜山隴爲城奴鉢山在縣西二十里接陵州界又有奴吉山在縣東北五十里接陽安縣界 龍水溪從陵州仁壽縣流入過縣入中江至盤石縣界

懷安軍

懷安軍

治金水縣

本簡州金水縣皇朝乾德六年二月於

金水縣置懷安軍從西川轉運使曹翰奏請也仍以漢州金堂縣屬焉